

– Togava dža muk jekh voenno, byrzo manuš kovato trebva te žal te syobštinel leske kaj trebva te avel.

Lel pes jekh manuš samo raztojanie za nekkvi si časove, džal syobštinel leske.

– Thagara te thagaripnasa edi si kate si kidime o thagara kale dyržavate, trebva te aves v srok za tri dena, kaj mangen te xoratinen tusa da vareso.

O thagarda te na izložinel pes adavkha syšto thagar, phenel “Trebva te žav on kidisaile so si thagara, me da trebva te žav”.

– Romnie, ačhov Devlesa!

– Te lav i ohrana tusa te ačhol?

– Na mangav nisavi ohrana, o thagara si othe, so ka izlaginav man te lav ohrana manca!

Liljas jekh faitoni xari, but trin djes patuvingjas resljas ži ko thagaripe kovato thagar deistvitelno vikinel les. Dikhel so si thagara si andre thaj ov phenel:

– Kolagere, so si thagarenge!

– Alarolsun, thagara te thagaripnasa, beš!

Bešol kate bešlo.

– So si tumaro zori, so ačhilo vyprosi, soske vikinen man?

– He-e-e. Ame našti rešinas nisavo davkha vyprosi, ame mangas te žanas o biš thagara kova si amendar o naj-silno thagar?

– Soske si nužno te pučen, tumenge si izvestno kaj sinjom o naj silno thagar?!

– E ništo de, mangas te xoratinas so isi maškar amende katka.

– Me da sinjom palal tute ako trebva te phenel pes silno thagar, maribe, voina nana mangas, mangav te kerav tusa jekh basi anglal kalke savore narodovjende o thagara.

– Vaker, thagara, savo si to basi, so manges te phenes tu dalkhesa?